

ტესტ-კითხვარი

მსმენელის სახელი გვარი

- ტესტი შესრულდა სასწავლო პროგრამის დაწყებამდე
- ტესტი შესრულდა სასწავლო პროგრამის დასრულების შემდეგ

კითხვარი მოიცავს 20 შეკითხვას. ქვემოთ წარმოდგენილი ვარიანტებიდან შეარჩიეთ და შემოხაზეთ ერთი სწორი პასუხი:

1. ქვემოთ ჩამოთვლილი დებულებებიდან ონკონკურაბელური პაციენტების პალიატიური მკურნალობის შესახებ რომელია მართებული:

- ა) ონკონკურაბელური პაციენტების პალიატიური მოვლა უნდა განხორციელდეს აუცილებლად საავადმყოფოს პირობებში;
- ბ) პალიატიური მკურნალობა სამედიცინო მომსახურებაა, რომლითაც პაციენტის მდგომარეობა რადიკალურად არ უმჯობესდება, არ იცვლება არაკეთილსაიმედო პროგნოზი და რომლის მიზანი პაციენტის მდგომარეობის დროებითი შემსუბუქებაა;
- გ) პალიატიური მკურნალობა სამედიცინო მომსახურებაა, რომელიც მიზნად ისახავს პაციენტის სიცოცხლის ხანგრძლივობის მაქსიმალურად გაზრდას;
- დ) პალიატიური მკურნალობის პროგნოზი უზშირესად კეთილსაიმედოა.

2. ონკოლოგიურ პაციენტებში ტკივილის მართვის ამოცანაა

- ა) ტკივილი მიზეზის იდენტიფიცირება;
- ბ) ტკივილის რეციდივულობის პრევენცია;
- გ) პაციენტის მეხსიერებიდან ტკივილის ეპიზოდების ამოშლა;
- დ) ნათელი ცნობიერების შენარჩუნება;
- ე) ყველა ზემოაღნიშნული

3. ქვემოთ ჩამოთვლილიდან რომელია მიჩნეული შერჩევის მეორე რიგის ანალგეზიურ თერაპიად ავთვისებიანი სიმსივნით დაავადებულ პაციენტებში?

- ა) ჰიდროკოდონი
- ბ) აცეტამინოფენი
- გ) მორფინის სულფატი
- დ) ლევორპანოლი
- ე) ჰიდრომორფონი

4. ქვემოთ ჩამოთვლილიდან რომელი არ არის მიჩნეული შერჩევის მესამე რიგის ანალგეზიურ თერაპიად ავთვისებიანი სიმსივნით დაავადებულ პაციენტებში?

- ა) მეთადონი
- ბ) მორფინის სულფატი
- გ) ჰიდრომორფონი
- დ) ფენტანილი

ე) კოდინი

5. როგორია მორფინის სულფატის საშუალო საწყისი დღიური დოზა პაციენტებში ზომიერად ძლიერი სიმსივნური გენეზის ტკივილით?

- ა) 10-15 მგ
- ბ) 15-30 მგ
- გ) 30-60 მგ
- დ) 60-120 მგ
- ე) 120-240 მგ

6. ქვემოთ ჩამოთვლილი დებულებებიდან სიმსივნური ტკივილის კუპირებისათვის მორფინის გამოყენების თაობაზე რომელია მართებული?

- ა) მორფინის მიმართ სწრაფად ვითარდება ტოლერანტობა
- ბ) მორფინი იწვევს ეიფორიას
- გ) მორფინზე ვითარდება დამოკიდებულება
- დ) მორფინი იწვევს რესპირატორული ფუნქციების დათრგუნვას
- ე) არც ერთი ჩამოთვლილი

7. ნარკოტიკული ანალგეზიური საშუალებებით მკურნალობის დაწყებასთან ერთად საჭიროა პაციენტმა მიიღოს ქვემოთ ჩამოთვლილიდან შემდეგი:

- ა) მედიკამენტები შეკრულობის პრევენციის მიზნით
- ბ) მედიკამენტები გულისრევისა და ღებინების პრევენციის მიზნით
- გ) მედიკამენტები სედაციის გაძლიერების მიზნით
- დ) მედიკამენტები ძილიანობის პრევენციის მიზნით
- ე) ანტიდეპრესანტები

8. ქვემოთ ჩამოთვლილიდან რომელია ავთვისებიანი სიმსივნეებით გამოწვეული ტკივილის მართვის აუცილებელი ელემენტი (ები)?

- ა) პაციენტზე ინტერდისციპლინარული მოვლის უზრუნველყოფა
- ბ) ტკივილის კონტროლის ინდივიდუალური გეგმის შემუშავება, რომელიც შეთანხმებული იქნება პაციენტთან
- გ) ტკივილის ინტენსივობისა და დინამიკის რეგულარული შეფასება
- დ) ტკივილის პრევენციის ან კონტროლის მიზნით ფარმაკოლოგიური და არაფარმაკოლოგიური ღონისძიებების გამოყენება
- ე) ყველა ზემოთ ჩამოთვლილი

9. პალიატიური დახმარების დროს ტკივილის მართვის მიზანია:

- ა) ტკივილის მიზეზის იდენტიფიცირება
- ბ) ტკივილის რეციდივის პრევენცია
- გ) ნათელი ცნობიერების შენარჩუნება
- დ) რეაგირების ნორმალური უნარის შენარჩუნება
- ე) ყველა ზემოაღნიშნული

10. ქვემოთ ჩამოთვლილიდან რომელია ყველაზე ეფექტური გზა ნარკოტიკული ანალგეზიური საშუალებებით გამოწვეული კონფუზიისა და ძილიანობის თავიდან ასაცილებლად?

- ა) ანალგეზიური საშუალების დოზის შემცირება
- ბ) ერთი ნარკოტიკული საშუალების შეცვლა მეორე ორალური პრეპარატით
- გ) მკურნალობის სქემაში მეთილფენიდატის ჩართვა
- დ) პრეპარატის მიწოდების ტრანსდერმალური სისტემის გამოყენება
- ე) მხოლოდ და მხოლოდ ორალური მეთადონის გამოყენება

11. ქვემოთ ჩამოთვლილი ფაქტორებიდან რომელი ახდენს ზეგავლენას სიმსივნით დაავადებული პაციენტების ტკივილის ზღურბლზე.

- ა) უძილობა
- ბ) შიში
- გ) შფოთვა
- დ) მწუხარება
- ე) ყველა ზემოთ ჩამოთვლილი

12. ქვემოთ ჩამოთვლილი დებულებებიდან სიმსივნური დაავადების ფონზე აღმოცენებული ტკივილის კონტროლის მიზნით ნარკოტიკული ანალგეზიური საშუალებების გამოყენების თაობაზე რომელია მართებული?

- ა) სიმსივნური ტკივილი, შემთხვევათა უმრავლესობაში, წარმატებით ემორჩილება ორალური ნარკოტიკული საშუალებებით მკურნალობას
- ბ) საკმაოდ ეფექტურია ნარკოტიკული ანალგეზიური საშუალებების რექტალური ფორმები
- გ) ნარკოტიკული ანალგეზიური საშუალებების კანქვეშა ინფუზია ყველაზე მისაღები მეთოდია იმ პაციენტებისათვის, ვინც რაიმე მიზეზის გამო ორალური ნარკოტიკული საშუალებების მიღებას ვერ ახერხებს
- დ) სიმსივნით დაავადებულ ტერმინალურ პაციენტებში ნარკოტიკული ანალგეზიური საშუალებების რეგულარული ინტრამუსკულარული ინექციებით ტკივილის კუპირება საკმაოდ კარგი ალტერნატივაა
- ე) ყველა ზემოთ ჩამოთვლილი
- ვ) მხოლოდ ა, ბ და გ

13. «მტკივნეული პირის ღრუსა» და დაზიანების თეთრი კერების მკურნალობისათვის, რომლებიც ენის დეპრესორის შეხებაზე იქერცლება, რა პრეპარატებია რეკომენდებული?

- ა) კეტოკონაზოლი
- ბ) პენიცილინი
- გ) ამფოტერიცინი B
- დ) ქლორამფენიკოლი
- ე) მეთოტრექსატი

14. ქვემოთ ჩამოთვლილიდან რომელი პრეპარატია რეკომენდებულია პალიატიური რადიოთერაპიის ფონზე აღმოცენებული დიარეის სამკურნალოდ?

- ა) დიფენოქსილატის ჰიდროქლორიდი
- ბ) ლოპერამიდი
- გ) კოდეინი
- დ) ყველა ზემოთ ჩამოთვლილი
- ე) არც ერთი ჩამოთვლილი

15. რომელი სიმპტომია სიმსივნით დაავადებულ პაციენტებში ყველაზე ხშირი?

- ა) ანორექსია
- ბ) ასთენია
- გ) ტკივილი
- დ) გულისრევა
- ე) ყაზობა

16. ქვემოთ ჩამოთვლილიდან რომელია ქრონიკული გულისრევისა და ღებინების ყველაზე ხშირი მიზეზი პაციენტებში შორსწასული სიმსივნური დაავადებებით?

- ა) ნაწლავის ობსტრუქცია
- ბ) ქალასშიდა წნევის მომატება
- გ) ნარკოტიკული ნაწლავის სინდრომი
- დ) ჰიპერალცემია
- ე) აუტოიმუნური დეფიციტი

17. ნარკოტიკული ანალგეზიური საშუალებებით ინდუცირებული გულისრევისა და ღებინების თაობაზე ქვემოთ ჩამოთვლილი განცხადებებიდან რომელია მართებული?

- ა) გულისრევა და/ან ღებინება განსაკუთრებით ხშირია ნარკოტიკული ანალგეზიური საშუალებების დანიშვნის საწყის ეტაპზე;
- ბ) ნარკოტიკული ანალგეზიური საშუალებებით გამოწვეული გულისრევა და/ან ღებინება, ჩვეულებრივ, მათი დანიშნიდან 2 კვირაში იწყება;
- გ) გარკვეული მედიკამენტებით შესაძლებელია ნარკოტიკული ანალგეზიური საშუალებებით გამოწვეული გულისრევისა და/ან ღებინების პრევენცია;
- დ) მართებულია ყველა ზემოაღნიშნული
- ე) არც ერთი არ არის მართებული

18. ქვემოთ ჩამოთვლილიდან რომელია შერჩევის მედიკამენტი ავთვისებიანი სიმსინეების ფონზე განვითარებული ასციტის სამკურნალოდ?

- ა) ჰიდროქლორთიაზიდი
- ბ) სპიროლაქტონი
- გ) პრედნიზოლონი
- დ) დექსამეტაზონი
- ე) არც ერთი ჩამოთვლილი

19. რომელია შორსწასული სიმსივნეების დროს ყველაზე საშიში მეტაბოლური მოშლილობა?

- ა) ჰიპონატრემია
- ბ) ჰიპოკალემია
- გ) ჰიპერკალცემია
- დ) ჰიპომაგნემია
- ე) ჰიპერკალემია

20. რომელია შერჩევითი მკურნალობა ნარკოტიკული ანალგეზიური საშუალებებით ინდუცირებული შეკრულობის დროს?

- ა) სენას პრეპარატები
- ბ) ფსილიუმი
- გ) ლაქტულოზა
- დ) მეტამუცილი